


FAQs In MGNREGA

(IN GARO)

Meghalaya State Rural Employment Society



FREQUENTLY ASKED QUESTIONS ON IMPLEMENTATION OF MGNREGA

MAHATMA GANDHI NATIONAL RURAL EMPLOYMENT GUARANTEE ACT

MAHATMA GANDHI NATIONAL RURAL EMPLOYMENT GUARANTEE ACT-O SINGRONGGIPA SINGANIRANG

NOKDANRANGKO BIMUNG SEGATANI BIDINGO

1. MGNREG Skim – o sawarang bimung segatna man.a?
 - Songadam o donggipa nokdangrangoni jeba dalgimin (bilsa 18 gapgimin) mande jean ramram bilni-jakni kamko ka.na sika, indakgipa mande MGNREG Skim- ni ningo bimung segatna man.a.
2. Antangni dongchakenggipa songona agreba gipin biaprangoba dalgimin made Kamni Cardna dorkasto on.na mangenma?
 - Manjawa.
3. Sani jako bimung segatani dorkastoko on.na nanga?
 - Bimung segatani dorkasto-ko songtangni Village Employment Council (VEC)- ni Secretary-ni jako on.na nanga.
4. Bimung segatani dorkasto ko on.nani jamano mai ong.gen?
 - Bimung segatani dorkasto ko on.nani jamano Village Employment Council (VEC) ni secretary dorkasto ko Program Officer- ona watatgen aro dorkasto-o pangchake sandianiko dake kakket ong.a ine nikon Kam-ni cardko sal 15 ani gisepon dorkastoko galgipana on.gen.
5. MGNREG Skim ni Programme Officer (PO) ra sawa?
 - Block Development Officer ba BDO-kon MGNREG Skim ni Programme Officer ineba agana.
6. Kam-ni Card ko manani jamano maiko dakna nanggen?
 - Kam-ni Card-ko mangipa nokdangrang MGNREG Skim ni ningo kamko kana dorkastoko VEC Secretary-na on.na nanggen.
7. MGNREG Skim o kamko ka.na Kam-ni Card dongtelna nangama?
 - Oe, Kam-ni card-ara bimung segatgimin nokdangrangna MGNREG Skin-ni ningo bilsa 5-na kamrangko dabie kamkae chachina sorkarini ongimin leka ong.a. Kam-ni card-o nokdangni manderang jerangan MGNREG Skim-ni ningo kamko kae cha.na bimungko segatahachim uamangni Photo aro Bimungrang dongchongmotna nanga. Kam-ni card-o taggipa photo aro Kam-ni card-ko tarina tangka gamna nangja.
8. Kam-ni Card-kora nokdangni sakprakprak manderangan kingprakprak on.ama?

- Ong.ja, nokdang ge.sana Kam-ni Card kingsakosan on.na manaia aro ua card-on pangchake nokdangsani manderang sal 100 na kamko suale ka.na nanggen.
9. MGNREG Skim-o bilsa 18-na komigipa manderang kamko ka.e chana man.genma?
- Manjawa, ian MGNREGA-ain ba niam ko peani ong.a.
10. Kam-ni cardko sani jako donna nanga?
- Kamni Card ba Job Cardko pangnan card-ni nokgipa baksa donna nanga.
11. Kam-ni Cardko gimaatgenchimoba MGNREG Skim-o kamkae chana mankugenma?
- Oe, kam ko kakuna man.gen, indiba Kam-ni card gimaani koborko VEC Secretary-na kingipin cardko tarie onchina janapna nanggen.
12. Kam-ni cardko palna ba rasrona on.na mangelma?
- Man.ja.
13. Kam-ni Card donggijagipa mandena antangni cardko rasrona on.genchimode mai ong.gen?
- Je mandean bimungtangko segatja uandakgipa mandede kamko ka.na aro tangkako man.na kraja. Badiaba mande antang Kamni card ko gipina jakalna on.genchimode kamkagipa mande kamko aro kamni hajirako Kam-ni card-ni nokgipani bimungo man.gen, jean niamko peani ong.a.

KAMNA DORKASTO ON.NANI

1. Dabianio pangchake kamko on.nani inaniara maiko miksonga ?
 - Dabianio pangchaka inon, manderang kamko amna re.bana nanggen. MGNREG Skim-o manderangni kamko dabianian skim ko chusokatani jating ong.a.
2. MGNREG Skim-o kam ka.na maidake dorkastoko galna nanga?
 - Kam-ni card-o bimung donggipa mande VEC ba Programme Officer-na badita salna aro basakoni kamko nangengachim uko janape seachi uiate kamna dabianiko dakna man.na, Indake dakon kamna dabiani dorkastoko man.soani tarikko mesokgipa leka bichitko VEC ba Programme Officerni jakoniko ra.bana nanga.
3. Kamna dorkasto on.nani jamano basako kamko mangel?
 - Dorkastoko on.nani sal 15-ni gisepon ba na.a mai saloni kamko ka.na dabiachim ua saloni kamko man.gen.
4. Kamko dabigipana kamko on.na manjagenchimode mai ong.gen?
 - Salchibongani gisepo kamko onjagenchimode kamko dabigipa KAM MAN.GIJANI TANGKAKO man.gen.

5. KAM MAN.GIJANI TANGKA -ra mai?
 - Kam man.gijani tangka ian kamko dabigipa mandena sal 15 ni gisepo ba je tarikoni kamko dabiachim ua tarikoni kamko on.na man.gijanipal man.skagipa tangka ong.a.
 - Ia KAM MAN.GIJANI TANGKA-ko niam indake ong.a: Kamna dorkasto on.nani jamano sal 30 ona kingking on.na manjagenchimode salprakni hajirani bak bri ni bak sa (1/4) ko man.gen, sal 30 ni jamanoba kamko on.na manjaode dorkasto on.gipa mande salprakni hajirani adha (1/2) ko manskagen.
6. Kamko dabigipa mande kamko ka.na rebajagenchimode mai ong.skagen?
 - Kamko dabigipa mande kamko on.nani jamano sal 15-ani gisepo kamona rebajagenchimode Kam man.gijani Tangkako man.jawa.
7. Changgipino kamona re.bagijagipa mande kamko dabitaina man.genma?
 - Oe, man.aigen.
8. Nokdangoni saksanti mandeba kamko dabina mangelma?
 - Oe, nokdangna chamgimmin sal 100 gapkujana kinking nokdangoni jeba bilsu chuonggimin mande kamko bie ka.na man.gen.

KAMKA.GIPARANGNI MAN.GNI ARO ON.GIMIN BIL

1. Nokdang ge.sa bilsio badita sal kamko man.na nanga?
 - Nokdang ge.sa bilsio sal 100 kamko man.na nanga.
2. Kam ka.ram biapo kam kagiparangna maidagipa dakchakanirangko man.na nanga?
 - Kam ka.ram biapo:
 - Ringani chi.
 - Bisarangko nirikram biap.
 - Nengtakna salakkim/noking.
 - Nengtakani somoi.
 - Mata-bu.ani somoio sanna-banani bosturang/samrang dongna nanga.
3. Bano Kamko on.na nanga?
 - Kam am.gipana kam on.non, kam am.gipani dongram songoni Km 5 chelani gisepon on.na nanga.
4. Km 5na bate chelao kamko on.genchimode mai ong.gen?
 - Km 5na bate chelao kamko on.genchimode kamkagipa mandena uni re.a-doani koros gita uni man.gni hajira baksana chugimik hajirani 10% ko bate man.dapani ong.a.

5. Kam kagiparangna maia daksoani/tarisamsoanirang donga?
 - **Mata-buani somoio:** Kam ka.miting somoio sawaba kamka.gipa mata-buako man.ne sanna-bananiko dakna nanggenchimode; ua mande kam ka.ram biapon indin sanna-bannaniko man.gen.
 - **Mata-bua mangipa mandeko Sanram biapona (Hospital) ra.angna nangani somoio:** Sawaba kam ka.gipa mande kam ka.engmiting somoio mata-buako man.e sanram biapona ra.anganiko man.na nanggenchimode; mata-buako man.gipa mande sanram biapo indin sanna- bananiko ra.na man.a, un baksana sanna man.enggipa mande salprako uni hajirani adha ko man.ani ong.a.
 - **Janggiko gimaatani ba pangna jolna be.eno bilgriataniko mangenchimode:** Kam kamiting somoio maibakai kamkagiparangoni sawaba janggitangko gimaatana ba pangna jolna be.eno bilgriataniko mangenchimode Adok Sorkarioniko tangka gong **25,000/-** ba jekon India a.songni Ma.mong Sorkari tik ka.e donmanaha, ua tangkako sigipani ba asel nanggipani nokdangni manderangna ka.sae on.naniko dakgen.
6. Komibeoba Salsani hajira baditako man.nani ong.a?
 - Komibeoba salsani hajira Adok Sorkarini Labour Department ni gee-game chagiparangna tik ka.gimin hajira ba Ma.mong Sorkarini NREGA na tik ka.gimin hajirako man.na nanga. Bilsa 2013-14 na India A.songni Sorkarini dongimin gita, komibegipa salsani hajira Tangka Gong 145 (Gong Ritchasa sotbribonga) ong.a.
7. Basako hajirako man.nani onga?
 - Hajirako anti prakon man.nani onga, batbeoba kamko matchotani tarikoni anti 2ni gisepon hajirako gamani ong.a.
8. Kam kagiparangna Hajirako gamanio ruutataniko mangenchimode mai ong.gen?
 - Kamkagiparangna hajirako gamanio ruutataniko man.genchimode MGNREGA ain-no pangchake komibeoba tangka gong 1,500 aro batbegipa tangka gong 3,000 ko kam kagipa mandena hajira gamningna man.gijana gamskaani ko dakani ong.a, je tangkarangko Adok Sorkarini gamani gaaka.

PROJEK TARISAMSOANI ARO CHUSOKATANI

1. Sana Projek rangko basena bilko on.naha?
 - MGNREGA Ain-ni baks 16 gipao pangchake VEC/AEC rangna projekrangko basena aro tarina bilko on.manaha. Pilak VEC/AEC-rangan kam ka.e cha.gipa nokdangrang baksa ku.monggrike bilsigimiko mai mai kamrangko songko-noko sildapatna

kamrangko ka.anggen ua kamrangko see rakigen aro VEC-ni gita badia kamrangko mongsonggipa done kamkaanggen uko rachakani lekarang baksa Block-ona Programme Officer-ona watatna nanggen.

2. Mai dakgipa kamrangko MGNREG Skimo kana on.na?

➤ Je kamrangan songo-noko pangkamgipa jakaltogipa gamko ong.katatgen aro jekamrangan janggi tangani cholrangko namdapatania rabagen; indakgipa kamrangko MGNREGS-o kam kana on.na. Maina MGNREGS ni miksonganian pangkamgipa jakaltogipa gamko ong.katatani aro hajira kae chagipa manderangna kamko on.nanian ong.a.

3. MGNREG Skim-ni ningo maiba dakna mantelgijagipa champengani niamrang gnangma?

➤ Oe, MGNREG Skim-ni ningo adita dakna mantelgijagipa champengani niamrang gnang jekon mamung dingtangani gri jarikna nangchongmota jerangan:

Skanggipa niam: Mesin (machine) ba waalchi chalaigipa kol rangko jakalna mangijani.

Gnigipa niam: Contractor-chi kamkaatna mangijani.

Gittamgipa niam: Hajira aro bosturangko ra.ani korosni gisepo bak 60:40 ko rakiani, projek na bostu ra.ani koros chugimik projek ni korosni bak 40na mamung saloba badena nangja.

Brigipa niam: Mea aro mechik plakan apsan hajirako man.na nanga.

4. Mai mai kamrangko MGNREG Skim-o kana man.a?

➤ MGNREG skim-ni ningo ka.na man.gipa kamrangko sulsul dakna nangchongmotanio pangchake mesokatenga.

I. Nalarangko kite, ariking rango a.a gatdoanirangko dake, ro.ongrangchi ba amangrangchi chijokrongronge kataniko kachange rarikani ban-dongrangko tarie chiko chimongani aro ripinge rakiani kamrang.

II. Bolgrigipa biaprangko bolgrimatpilani aro bolrangko gee agisi ong.aoniko champengani kamrang.

III. Dongge kitani.

IV. Kangal cholgri (BPL), IAY aro ST/SC ni dolo gaak gipa nokdangrangni bagan-barirango chi sale onani, bolam biterangko ge.e onani aro apalrangko pe.e onani kamrang.

V. Pokri ba chikong/chiakol gitcamrangko taridapani kamrang.

- VI. Apal peani ba adapani kamrang.
 - VII. Chi-banna re.aniko champengani kamrang jedake; chi skonggipa biaprango nalarangko kitani, chi dalmiting somoio wate galgipa nalarangko tudapatani aro namdapatani kamrang.
 - VIII. Songo-nokona wachi-arak sokgipa ramarangko culvert rang gnang choani aro songsaoni songsaona rama choani kamrang.
 - IX. Bharat Nirman Rajiv Gandhi Sewa Kendra (BNRGSK) nok rangko Block-o aro AEC-o rikani kam.
 - X. Gea-gamanio nangchapgipa kamrang, je dake, NADEP asalko tariani, kanchuri asalko tariani aro jingjonggipa asalko tariani.
 - XI. Jila-kaanio nangchapgipa kamrang, jedake, Donol rikani, doboknol rikani, nolni a.pako pakka dakani, su.bu rakiani tengki, matchu matte na alchakani chikong rikani aro azzola ko matburungrangna alna rakiani kamrang.
 - XII. Natok jilanio nangchapgipa kamrang, je dake, jinmani jakalnamangipa chirango natokrangko jilani.
 - XIII. Sagal rikam jolo donggiparangni kamrang, je dake, ranatram biap, champenggipa bol bipangrangko gechangani.
 - XIV. Songadam-nokadamo ringani chiko man.na kamka.anirang, je dake, a.ako chijimatna akol kitani.
 - XV. Songadam-nokadamko rongtal an.tale rakiani kamrang, je dake, notangtango paikana rikani, skul aro Anganwadi center rango paikanko rikani aro jeng-jabolrangko galchakani biaprangko tariani kamrang.
 - XVI. Gipin kamrang jekon Ma.mong Sorkari Adok Sorkari baksa ku.monggrike ja.mano parakatnaba donga.
(Je je kamrangko kosako nombor (iv), (x), (xi), (xiii), (xiv) aro (xv)-o janapahachim ia kamrangko SC/ST/BPL/IAY-ni namgni ko mangipa/kanalgipa game cha.gipa aro Burung Bolgrimrango Chengoni Songdong Achae jangitanggipa dolrangni a.arango aro bagan-barirango kam ka.na man.gen.
5. Bilsisani gisepon gegittam ba una bateba projek rangko songsano ra.na mängenma?
 - Oe, man.naigen, indiba ia projek rangko chusokatna songo chuongagita kamko dabigiparang dongna nanggen aro man.a dipetde gesa projek-ko matchote ka.ani jamanosa minggipin projekko ka.ode nama.

6. Basakobade songo-noko projek-ni kamko kana biaprang dongja undakgipa somoio saniba baganbarirango ia kamko ka.na man.genma?
 - Oe, indiba jeni bagano kamko kaenga ua mande SC/ST doloni/BPL/IAY-ni namgniko mangipa ong.na nanggen.
7. Chiko.ram ba jakalram biap jean songoni chelao donga uan dakgipa biaprangonaba ramarangko bakna man.genma?
 - Oe, ramako bakna man.gen indiba gipin songni apsan biapona rama bakarang dongna nangja, maibakai apsan kamkon ka.nananggenchimode Programme Officer baksa agangrike tale rachengna nanggen.

DOLRANGKO BOSAIANI

1. Meghalaya A.doko MGNREG Skim ko chusokatna maidakgipa dolrangko donaha?
 - Meghalaya adoko Panchayatni niamko jarik jani a.selo dingtangmancha ia MGNREGS ko chailaina gita gadang 4 dake dolko bikote donaha.
 - i. VEC ba Village Employment council je dolkon songantion bikota.
 - ii. AEC ba Area Employment Council je dolkon tomdakgimin adita songrang (Km 2.5 ni ningo donggipa songrang) nangdime bikotskaa.
 - iii. BEC ba Block Employment Council jekon Block ni gadango kulia.
 - iv. District Employment Council ba DEC jean District ni gadango kuligipa dol ong.skaa.
2. Sawarang Village Employment Council (VEC) ni memberang ong.na kra.a?
 - Nokdangni magipa aro pagipa sakantian Village Employment Council ni member ong.na kra.a.
3. Jensalo Village Employment Councilko songo bikotahaon maiko dakna nanggen?
 - Jensalo songo Village Employment Council (VEC) ko bikotahaon VECni kamrangko chalaina gita gita dilgiparangko Chongmotan Programme Executive/Implementation Committee (PEIC) ko seokna nanggen.
4. Ia Programme Executive/Implementation Committee-ora badita sak dilgiparang dongna nanga aro sawarang(mai mai post)?
 - Ia Programme Executive/Implementation Committee-ora (PEIC) Sak 5 (bonga) memborang dongna nanga jeon Padot (President/Chairman) aro Jakrikra (Secretary) ko jinma namnike basena nanggen aro un baksana sak 3 gipin memborrangko basena nanggen jeoni saksade MECHIK membor ong.na nanggen.

5. Ia Village Employment Council (VEC) - ni meeting ba tomanirangkora sani jakchi ka.dilgen?
 - VEC-ni tomanirangko Programme Executive/Implementation Committee-ni Chairman, ba Secretary, ba ong.jaode Songni Nokma ni jakchi tom dilgen.
6. Ia PEIC aro AEC ni dilgiparangarang badita bilsina kamo dongna man.a?
 - PEIC aro AEC ni dilgiparangarang **bilsa 3 (Gittam)**-na san kamo dongna man.a.
7. Village Employment Council-ni Dakna nanggipa kamrangara mairang?
 - a. VEC –an songo MGNREG Skimko mongsong chalaigipa ong.a. Projekrangko tariani aro uarangko kusokatani Chugimik VEC-ni jakon onga.
 - b. MGNREGS ko songo chalaiani (tangka paisarangko rabae kamko chusokatani).
 - c. Projekrangko taridilani aro maidagkipa projekrangko songna nanga basedilani.
 - d. Dingtang dingtang committee rangko kulidilani, jekai, Social Audit ka.na Social Audit Committee (SAC), songo nook kamka.ako nirokna Village Monitoring Committee (VMC) aro bosturangko bree rabana Purchase Committee.
 - e. MGNREGS ni see rakiani bohi/kitap rango see rakina.
 - f. Kamrangko kam kagiparangna suale aro mesoke on.na.
 - g. MGNREGS baksa nangchapgipa lekarangko aro uiatanirangko parak ong.e rakina nanganikri agantale on.na.
 - h. Songni manderangko Public Hearing/ Social Audit Forum-ona rimbana.
 - i. Kam karam biapo kamkagiparangni man.gni rangko man.ne on.ani.
 - j. Jinmana parakatani pakmako chalaiani jeon sorkarini rachakgimin kamrang aro kam ka.giparangni bimungrangko see rakigen.
8. Area Employment Council (AEC)-ara maia?
 - Area Employment Council (AEC)-ara Km2.5 wilwilao donggipa songrangni VEC-ni nangdime bikotgimin dol ong.a. Panchayat jekamrangko gipin adokrangko kamka.a apsan kamkon AEC-ba Meghalaya a.doko ka.a. Iani memberrang VEC-o baseamangipa PEIC-ni Chairman, Secretary aro Mechik memberang ong.a.
9. AEC-ni kamrangara mairang?
 - a. Area Employment Council (AEC)-an Social Audit ba Jinmachi kamrangko nipiltaianiko dakna nambatgipa dol ong.a, uanigimin AEC-rang Sak3-4 manderangko ra.e Social Audit Committeeko bosaie antangtangni ningo donggipa VEC-rango kagimin kamrangko audit ka.anirangko somoi somoi-o dakna aro Programme

Officerni ba District Programme Coordinatorrangni geetanigita auditko ong.atanian AEC-ni mingsa kam ong.a.

- b. Kamni Cardna dorkasto on.giparangko rachakna aro uko on.na.
- c. Nokdangrangni Kamni Card-o tangka gamani somoi-o Gram Sevak aro Community Coordinatorrang baksa see rakianianirangko dakna.
- d. Projek rangko seokna aro uarangko nanganikri sulsul dona man.nagita songrango VEC-ni meeting rangko ong.atna aro Social auditni knaatpilani tomanirangko ong.atna man.anina kam ka.ani ong.a.
- e. VEC-rangni tarigimin projekrangko Programme Officerona watdoatani kamba AEC-ni kam ong.a.
- f. Kamna dorkasto ongiparangko ra.chakna aro uarangko kamna dorkasto ongiparangni bohio see rakiani kam ong.a.

10. Block Employment Council (BEC)-ara mai?

- Block Employment Council ian Block Selection Comitteena ongimin bimumg ong.a aro ia dolna Block Panchayat je bilko gipin adokrangko man.a apsan dakgipa bilko ia dolba man.a.

11. Block Employment Council (BEC)-ni kamrangara mairang?

- a. Blockgimikni tarigimin projekrangko rachaksoe badia projectrangko chusokatonamgen namjagen basee District-ona watatskaanian BECni kamrangoni mingsa ong.a.
- b. Bak 100 oni bak 25 block-na pakwatgimin kamrangko basena aro VEC-rang baksa melie uko chusaokataniba mingsa BEC-ni kam ong.a
- c. State Council-ni aro Ditriect Employment Council-ni on.gimin kamrangko ka.anian BEC-ni kam ong.a.

12. District Employment Council (DEC)-ara maia?

- District Employment Council Ba DEC ian District-ni gadango MGNREGS ni kamko chalaina aro chusokatanina tarisoanirangko dakna bosaigimin dol ong.a. DRDA ba Didistrict Rural Development Agency-ko chalaina seokgimin dilgiparangan DEC-ni digiparangba ong.a.

13. DEC-ni kamrangara mairang?

- a. District Employment Guarentee Scheme Plan ko namnike rachakani.
- b. Gipin Line Department rangni projek tarigiminrangko namnike rachakani.

- c. District-o kam ka.anirangko nirokna aro kamrangni chusoka ba chusokja uarangko sandipiltaie nianirang.
 - d. Projekni kamrangko District-o aro block-o chusokataniko nirikani.
 - e. State Council-ni on.gimin kamrangko chusokatanirangan DEC-ni kamrang ong.a.
14. Meghalaya State Employment Guarantee Council-ra maia aro sawarang ia dolko chalaia?
- Meghalaya State Employment Guarantee Council (MSEGC) ian MGNREG Skim ko adoko chusokatanio agankupatie on.gipa do long.china bosaigimin do long.a.

**MEGHALAYA STATE EMPLOYMENT GUARANTEE COUNCIL-NI BIMANG
(COMPOSITION)**

CHAIRMAN

(Chief Minister)

VICE- CHAIRMAN

(Minister Community and Rural Development)

MEMBER SECRETARY

(Commissioner & Secretary, C&RD)

MEMBERS



OFFICIAL MEMBERS

Chief Secretary

Ministers of Forest, Agriculture, Social Welfare ,Finance

Chief Executive Members of District Councils

Principal Secretary of C& RD, Finance, Agriculture,

Soil Conversation, Social Welfare, Forest.

Director C& RD

NON OFFICIAL MEMBERS

3 Chairpersons from VEC

3 Chairpersons from AEC

3 Chairpersons from BEC

2 from DEC members

3 Social Activists from districts

15. Badita changrang MSEGC-ni meeting ong.na nanga?

- MSEGC-ni meeting nangchongmotanikri ong.aia, indiba jadokprak-o changsa de mitingko ong.atani ong.a.

16. MSEGC-ni skotong office-ara bano ?

- MSEGC-ni skotong office Shillong-o ong.a.

17. MSEG- ni meeting ona non official memberrang bak ra.na rebaon uamangna re.adoani koros rangko on.nama?

- Oe, non official memberrang adok sorkarini Officerangni mangipa readoani koroskon man.a ama.

18. Mai miksonganio State Employment Guarantee Fund (SEGF) ko bosaia?

- Districtrango MGNREGS-ko chalaimitingo tangka paisana nengnikani somoirango tangka paisarangko nanganikri on.sroe dakchakna miksonge SEGF-ko bosaiaha, jekon State Rural Employment Society (SRES) chalaienga.

19. State Rural Employment Society mai kamrangko kaenga?

- Meghalaya adoko MGNREGS-ko chalaianiko nirok-sandidilna miksonge State Rural Employment Society (SRES)ko 2011 bilsio abachengataha. SRES tangka paisarangko chalaian baksana skimni ningo kagimin kamrangkoba nirokaniko aro sandipilanirangko dakeng, aro VEC/AEC-ni dilgiparangnaba skie on.nanirangkoba dakenga.

20. State Rural Employment Society-ni office nokara bano?

- Uan Dhankheti, Shillong, Bawri Mansion-ni sepango, Monfort Buildingni paksao.

CONVERGENCE

1. Convergence maiko minga?

Ramramdake aganchimode dingtang dingtang dolrang nangrime mingsa kamko chusokatna kam ka.ani ine agana mangen.

2. MGNREGS -ni projekrangko gipin skimrang baksa nangrime kam ka.na mangenma?

- Oe, man.gen, indiba ia nangrime kam ka.ani jakaltogipa gamko ong.katatna aro MGNREGA-ni ka.an on.gipa kamrangoni mingsa ong.na nanggen; unbaksana MGNREGA-ni nangnikanigita hajirako ong.katatgipa ong.na nanggen aro contractorrangchi kamko ka.atna manjawa.

PARAK ONG.ANI ARO AGANCHAKGIPA ONG.ANI

1. Social Audit (Songsalnigita Sandie niani) aro Social Audit Forum/Public Hearing (Jinmana Parakani) ine aganon maiko miksonga? Social Audit mung Public Hearing ara apsan ong.aiama?

- Social Audit ba Songsalnigita Sandieniani ine aganchimode ian hajira ka.e chagipamanderangni antangtangni ka.enga kamko nirok sandiani ong.a jekon pangna

jolna dakna nanga, indiba Social Audit Forum/Public Hearing ine aganon hajira ka.gipa jinmana Social Audit-o sandie man.giminrangko jinmana parakatna tomdakatani ine agana mangan jekon giseposan ong.atronga. Public Haering ian Social Auditka.anio gesa bak ong.a.

2. Sawarang Social Audit Committee-ko Bikotgen aro iano badita sak manderang dongna nanggan?

➤ AEC-ni memberrang antangtangni ningo donggipa songrango ka.gimmin kamrangni chusokaniko somoi somoi-o aro Programme Oficer aro District Programme Coordinator-ni geetanigita sandipile nianiko dakna aro sandie man.giminrangko Programme Officerna see on.na man.agita Social Audit Committee-ko bikotdilgen.

➤ Sandie nianirango name dakna man.nagita sak 3-4 memberang iano dongna nanga.

3. Maikai kam ka.giparang manderang antangtangni kam ka.anirangko nipiltaie nigen? Maina Social Auditko dakna nanga?

➤ Social auditko dakani miksonganide MGNREGA niam-o kam ka.giparangna on.gimin uamangni mangni aro bilrangko jakalna manengama man.jaenga, ba kamko kaanirango maiba komiani ba kam ka.sretanirang dongama dongja uko ma.sina aro je miksonganio ia skim-ko je miksonga manderangna dakahachim uni namgnirang ua manderangona sokangama sokangjaenga uko ma.sina sandie niani ong.a. uni gimin kam kagipa manderang antangtangni kamka.anirangko baditana kingking chusoke kaenga uko sandie nina kra.a aro namdapatnirang donggenchimode ukoba jinmaona ra.bana amma.

4. Social Audit kamiting somoi-o maiba chuonngikgijani kattarang donggenchimode uarangko maikai VEC/AEC-ni dilgiparangko knachakatna man.gen?

➤ Social Audit -ni somoio maiba kam ka.anirango chuonngikgijanirangko janapaon ba sandie nikon Social Audit Committee-ni manderang uarangko see rakia aro uni reportko Programme Officer-na pakwata jekon Public Hearing ong.atani salo jinmana poraie kna.ata, ia sandie mangiminrango pangchake dongimin salni gisepon kamka.china dingtang dingtang MGNREGS-o kamkagiparangna pakwatata jekon ia manderang ka.chongmotna nanggan.

5. Bilsio badita chang Social Auditko dakna nanga?

➤ VEC Geprako Jadok (6) prako changsa audit kana nanga.

6. Maikai pilak MGNREGS-o kamkagipa manderangko (VEC ni dilgiparang Block ni officerrang) uamangni kamna aganchakgipa ong.atna man.gen?
- Pilak MGNREGS-o kam ka.giparang pangnan uamangni kamna aganchakgipa (accountable) ong.na nanga. Chotchanggijagipa nirok-sandiani, nipiltaiani rangko gipin dolrangchi dakanichi, songantio VMC rangko bosaiachi aro niamko peon dai-ko tangka gong 1000-ona kingking gamana nanganichi aro Skim-ko chusokatengon kamka.giparangni chuongnikgijani ba kusiong.gijanirangko janapon uko namatna kamko ka.achi.
7. Songantio VMC ba Vigilance and Monitoring Committee-ko sawarang bosaina nangchongmotama? Mainigimin?
- Oe, VMC ko bosoi chongmotna nanga, maina VMC-chin;
 - MGNREGS-ni projek kamrangko ka.aniko nirokgen.
 - Hajira gamani somoio VEC-ni dilgiparang kakkettek gamengama gamjaenga uko nitimgen.
 - Projek kamrangko jedake tariaha; tarigimin gitan kamko ka.dilengama kadiljaenga uko nirokgen aro matchoto nisusae nigen jeni reportkon Social Audit-ni somoio audit ka.giparangna on.gen.
8. Sawarng VMC-ni memberrang ong.na kra.a aro badita sak memberrang dongna nanga? Komibeoba songsani VMC-o sakdok memberrang dongna nanga, Memberrang songni skulni skigipa, ba sorkarini kamoni nengtakgimin mande ba NGO-ni mande, hajira ka.gipaoni sak 3 jeoni sak 2 mechik ong.na nanggen indiba VEC-ni dilgiparang iano member ong.na man.jawa.

BANKGITA HAJIRA GAMANI, SMART CARD,CSP ARO EBT.

1. MGNREGS-o Bangking business correspondent-ara maia?
- Banking Corespondent ian Bank aRO manderangni gisepo kamka.na bank-ni rakigipa dol ong.a jean bankni palo songo-nokona re.ange hajirako MGNREGS-o kamka.giparangna gameaniko dakgen. Banking correspondent Model ian bankgrigipa songrangona bankni manderngna kamka.ani ko sokatna aro manderangko bankrangko jakale tangka paisarangko chimonganirangko bariatna miksonge ja.kude.ani ong.a.
2. Banking correspondent (BC)-ni kamrangara mai?

- Mongsonggipa BC-ni dakna nanggnide kamkagiparangni hajirako somoigita kamka.giparangona sokangatanin ong.a.
- Block-o AEC, VEC-rangni banga bangja, chela-chelgija rango pangchake CSP (Customer Service Point) ba tangka gamram biaprangko rakiani ong.a
- MGNREGS-o Kam ka.giparangni bimungko bankna segate on.ani.
- Bio Metrix Smart Card rangko on.na aro uarangko jakale hajirako gamna.

3. Ia BC modelko jarike mai namgniko man.gen?

- Ia BC model ko jarikode MGNREGS-ni niamo dongimin somoigita hajira gamanangani niamko rakina man.a.
- Kakketket hajira kagipa manderang antangtangni mangni hajirako man.a, gipinrang Katie rarikna man.ja. Tangka paisarangko jakalsreta-oniko komiata.
- Tangka paisarangko banko chimongna chol ong.a maina jako hajirako manode koros katoke galaia indiba BC modelode antangni namnikagita adha hajirako banko done adhako jakalna okna mana.
- Bankona re.ange bongnigipa koros aro gamchatgipa somoirangko naljokata, jekon nangipa kamrangna jakalna man.ska.a.

4. Electronic Benefit Transfer (EBT)- ara maia?

- Ian mingsa tanka okani chol ong.a jegitan MGNREGS-o kamkagiparang antantangni hajirako uamangna BC-ni on.gimin Bio metric smart card ko jakale o.kna man.gen. Ia EBT-o kamkagiparangni hajirako uamangni bank account-ona bijolini bilchi watataniko daka jedakode kamkagiparang BC-rangni rakkigipa CSP(Customer Service Provider)-rangona re.ange smart card rangko jakale hajirako okna man.gen.

5. Ia Bio Metric Smart Card-ara maiasa?

Ian MGNREGS-o kamka.giparangni hajira okna jakalgipa card ong.a. Ian ATM card gita apsan apsan daka indiba PIN nombor-ni palo cardni nokgipani jaksiko tangka okani mesin-o sikdepe okna jakalska.a. Ia smart-ko bimungrangko see ra.angnaijamano aro cardrangko tarimano BC-oniko man.gen.

6. Sawarang ia smart cardko man.na doskastoko galna nanga?

- Je mandean MGNREGS-o hajira kaenga aro jeon Kamni card donga.

7. Ia Card-ko man.na gita tangka gamna nangama?

- Nangja, iana nanggipa photo aro jaksini noksarangko BC-ni manderang (CSP-rang)

bimung segatani somoion ra.anggen.

8. Ia CSP-rangara sawarang?

- CSP-rangara songtangni ba ongjaode sambajolo donggipa songoni manderangan ong.a jemangkong Banking Correspondent (BC) rang antangtangna kamka.e on.china rakiaha, jedakode hajira kagipa manderang nangan somoio iamangni dakchakaniko man.gen.

9. Smart Card-o bimung ba photo on.giparang nokgipani bimung aro photomung melijaode mai dakna nanggen?

- Bimung aro phopto melijaode BC/CSP-rangona reange uko tik ka.e on.china uiatna nanggen, jedakode uko namatna mangan, iako dakna tangka nangjawa.

10. Smart card gimana ba nosto ong.genchimode maidakna nanggen?

- Smart card gimana ba nosto ong.genchimode uko CSP-na kobor on.na nanggen jedakode gital card ko tarie on.na man.gen, iana BC-ni dongimin niangita tangkako nokgipa gamna nanggen.

11. Smart cardni gipin cardrrangoni dingtanganira mai?

- Smart cardko jakale smart cardni nokgipasan tangkako okna man.aigen.
- Smart cardko chaugenchimoba ba gimaako man.genchimoba gipinrang jakalsretna man.jawa.
- Card ko jakale antangni nangnikagita hajirako oke jakalna ba chimonge donnaba man.a.

12. Tangka okani somoio anga badita tangkako okaha uni hisabko maidake uigen?

Tangka okani somoio tangka okaha ine mesoknakingni leka bichitran tangkaokani mesin-
oni ong.katgen jeon badita gong tangkako okaha uko see mesokgen.

13. Ia BC model gita tangkagri banko account kulina mangenma?

Oe, man.gen.

MGNREGS-o gital napatgipa dingtang dingtang kamrangni noksarang



A.bri jolo water shade –o man.chapgipa kamrang



Ge.a – gamanio man.chapgipa kamrang; NADEP a.sal tariani



Kan.churi a.sal tariani



Jingjongipa a.sal



Jilla kaanio manchapgipa kam; Donol rikani



Azolla-koalna rakiani

MGNREGS-o gital napatgipa dingtang dingtang kamrangni noksarang



Matchunolni a.pako paka dakani, subu tengki rikani aro alchakram chikongko tariani



Songo –noko ringani chiko man.na kamka.ani: Chinapangani a.kolko kitani



Songo-noko rongtal an.talani: Nokantio paikana rikani



Skul-nokrango paikana rikani



A.riking joljol nalakitani



Ariking joljol ali gatani

MGNREGS-o gital napatgipa dingtang dingtang kamrangni noksarang



Ro.ongranko gatdoe a.mitimko chisol ra.e kataniko champengani



Pokri kitani



Stop Dam



A.mang gatdoe band/dam kaani



Gabion structures-ko rikani



A.barango aligatani



Compiled By: Lily Sangpui PM Training and Designed By: Ratan Paul IT Manager

Meghalaya State Rural Employment Society

3rd Floor, Simpli Building, Dhankheti, Shillong-793001, Meghalaya

Phone : 0364 – 2504171 Fax: 0364- 2504167

Helpline: 1800 345 0364 Email: megnregacell@gmail.com